

PELADANG2 DIGESA BAHARUI TEKAD, AZAM

SERI MENANTI, Jumaat — Perdana Menteri Datuk Seri Dr. Mahathir Mohamad menggesa peladang seluruh negara membaharui tekad dan azam menjadikan diri mereka petani yang berjaya.

Perdana Menteri berharap, mereka merebut peluang dan kemudahan yang disediakan oleh Kerajaan bagi memajukan Perusahaan Pertanian disamping meningkatkan taraf hidup sendiri.

Bellau berkata demikian dalam kata-kata aluan buku Cen-

deramata Perayaan Hari Peladang Kebangsaan tiga hari di sini, mulai hari ini.

Datuk Seri Dr. Mahathir menjelaskan, matlamat ini boleh dicapai jika petani dan peladang melengkapkan diri dengan berbagai pengetahuan teknologi pertanian moden dan mengamalkan sistem pertanian yang cekap dan tersusun.

Sumbangan peladang-peladang, kata bellau, penting di waktu dunia sedang menghadapi kemelesetan ekonomi.

"Dalam menghadapi keadaan ini, peladang-peladang

boleh memberi sumbangan berkesan dengan mempertingkatkan lagi tahap pengeluaran ladang masing-masing dan menyelamatkan negara dari bergantung kepada bahan-bahan perlu yang terpaksa diimport dari luar negeri," ujar bellau.

Datuk Seri Dr. Mahathir memberi jaminan Kerajaan akan terus memberi perhatian serius kepada kebajikan peladang-peladang dengan program-program bantuan, khidmat dan sokongan bagi mengurangkan kos pengeluaran di waktu yang sama meningkatkan pengeluaran.